

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 I 225482 21 I 2  
Sarajevo, 05.05.2023. godine

OPĆINSKI SUD U SARAJEVU, sudija Dragan Mirjanić u izvršnom postupku tražioca izvršenja Banka Srpske a.d. Banja Luka u stečaju, ul. Aleja Svetog Save 61, zastupana po stečajnoj upravi Goran Radivojac, ranije Balkan Investment bank a.d. Banja Luka, protiv izvršenika E.E. Sarajeva, radi izvršenja na pokretnim stvarima, prodajom pokretnih stvari izvršenika putem javnog nadmetanja, na osnovu člana 126 i 130, a u vezi sa članovima 135, 82, 87, 88 i 89 Zakona o izvršnom postupku („Službene novine Federacije Bosne i Hercegovine”, broj: 32/03, 52/03, 33/06, 39/06, 39/09), van ročišta donio je dana 05.05.2023. godine, donio je:

**Z A K L J U Č A K**  
**-o prodaji pokretnih stvari-**

ODREĐUJE SE DRUGO ROČIŠTE za prodaju pokretnih stvari izvršenika, a koje se nalaze na adresi ulica Butilska 55, Bojnik, Novi Grad, Sarajevo, putem usmenog i javnog nadmetanja i to:

1. TV LG, crne boje, 1 kom.,..... procijenjena vrijednost 500,00 KM
2. Garnitura (trosjed, dvosjed, fotelja), bijela boja, ..... procijenjena vrijednost 1.500,00 KM
3. Kuhinjski stol i 4. stolice (crne boje), ..... procijenjena vrijednost 500,00 KM

**ZA DAN 16.06.2023.GODINE U 09,00 SATI**  
**KOJA ĆE SE ODRŽATI U ZGRADI OPĆISKOG SUDA U SARAJEVU UL.**  
**ŠENOINA BR. 1, KANCELARIJA BROJ 454/IV –SLUŽBA SUDSKIH**  
**IZVRŠITELJA**

1. Rješenjem Općinskog suda u Sarajevu broj 65 0 I 225482 12 I od 06.01.2012. godine određeno je izvršenje pljenidbom, procijenom i prodajom pokretnih stvari izvršenika.
2. Dana 27.01.2023. godine Služba sudskih izvršitelja je obavila pljenidbu pokretnih stvari izvršenika o čemu je sastavljen pljenidbeni popis uz istovremenu procjenu vrijednosti pokretnih stvari, a sve kako je naprijed u zaključku navedeno, te su stvari ostavljene na čuvanje izvršeniku uz zabranu za dalje raspolaganje.

3. Ročište za javno nadmetanje održat će se i kad prisustvuje samo jedan ponudjač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponudjač.

4. Konstatuje se da prvo ročište za prodaju pokretnih stvari izvršenika usmenim i javnim nadmetanjem zakazano za dan 07.04.2023.godine u 09,00, sati **nije uspjelo**.

5. Na drugom ročištu za prodaju pokretnih stvari putem usmenog i javnog nadmetanja pokretne stvari se mogu prodati bez ograničenja u pogledu iznosa njihove cijene.

6. Sud će u smislu člana 77 ZIP-a, a u vezi sa članom 135 ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi najkasnije 8 dana prije održavanja ročišta.

**7. Sud će obustaviti postupak ako se pokretne stvari koje su predmet prodaje ne uspiju prodati na drugom ročištu za prodaju putem usmenog i javnog nadmetanja.**

8. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata neposredno sudskom izvršitelju uz potvrdu ili na **depozitni račun Općinskog suda u Sarajevu broj 1411965320009639 otvoren kod BBI Bank d.d. Sarajevo, sa naznakom broja predmeta**.

Po uplati cijene Sud će donijeti rješenje o dosudi, a potom i rješenje o namirenju.

9. U javnom nadmetanju kao kupci mogu učestvovati samo osobe koje su prethodno dala osiguranje koje iznosi 1/10 od procjenjene vrijednosti pokretnih stvari. Osobe koje sudjeluju u javnom nadmetanju dužne su prije početka ročišta predati sudu uplatnice da je osiguranje položeno na depozitni račun Općinskog suda u Sarajevu broj **1411965320009639** kod BBI banke d.d.Sarajevo sa naznakom broja predmeta. Ponuđačima čija ponuda nije prihvaćena osim za tri najbolja ponuđača, vratiće se osiguranje odmah nakon zaključenja javnog nadmetanja.

10. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

**NAPOMENA:** sudskom izvršitelju kao ovlaštenom licu za provođenje javnog nadmetanja/neposredne pogodbe, da ima u vidu to da ukoliko treća lica ne obavjeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

**SUDIJA**  
**Dragan Mirjanić**

**POUKA:** Protiv ovog zaključka nema mjesta pravnom lijeku.